



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

RREGULLORE

PËR PUNËN E KËSHILLIT MBIKËQYRËS

Prishtinë, 2014

Në bazë të nenit 11 al. D dhe 27 al. 4 të Statutit të Federatës së Basketbollit të Kosovës – në tekstin e mëtejme “FBK”, në mbledhjen e Kuvendit me datën 21.06.2014 miraton këtë:

RREGULLORE PËR PUNËN E KËSHILLIT MBIKËQYRËS

NENI 1

Këshilli Mbikëqyrës kujdeset për punën, ligjshmërinë dhe për veprimtarinë materialo – financiare të FBK-së.

Këshilli mbikëqyrës e ka Kryetarin dhe dy anëtarët të cilët zgjidhen nga anëtarët e Kuvendit – njohës të sportit sipas vendimit të posaçëm të Kuvendit.

Për punën e Këshillit Mbikëqyrës miratohet rregullore e veçantë. Mandate i anëtarëve të Këshillit Mbikëqyrës është katër vjet.

NENI 2

Këshilli Mbikëqyrës punon në bazë të parimit të ligjshmërisë, të efikasitetit dhe ekonomikitetit. Mbikëqyrë, shqyrton aktet juridike, vendimet e ndryshme dhe punën materialo – financiare të FBK-së.

NENI 3

Këshilli tre (3) anëtarësh vendosë me shumicë votash për vendimet e tij dhe përpilon raportin me shkrim.

NENI 4

Këshilli Mbikëqyrës ka të drejtë të bëjë shikimin në vendimet e organeve të FBK-së, në veprimtarinë materialo – financiare si dhe në aktet normative të tjera që i kërkojnë nga Këshilli. Shërbimi i FBK-së është i detyruar të paraqet të gjitha dokumentet që i kërkon Këshilli.

NENI 5

Vendimet, raportet dhe aktet tjera të Këshillit Mbikëqyrës ruhen si dokumentacion zyrtar në arkivin e FBK-së.

NENI 6

Këshilli Mbikëqyrës për punën e vet informon Bordin e FBK-së dhe për punën e vet i përgjigjet Kuvendit të FBK-së.

NENI 7

Anëtarët e Këshillit i zgjedhë dhe i shkarkon Kuvendi i FBK-së.

NENI 8

Kryetari i Këshillit Mbikëqyrës ka të drejtat dhe detyrat si vijon:

1. Organizon dhe konvokon mbledhjen e Këshillit Mbikëqyrës
2. Kryeson me mbledhjet e Këshillit Mbikëqyrës
3. Kujdeset për sigurimin e transparencës në punën e Këshillit Mbikëqyrës
4. Kryen edhe detyra të tjera të caktuara me Rregulloren mbi Punën e Këshillit Mbikëqyrës.

Anëtari i Këshillit Mbikëqyrës ka të drejt që në seancë të :

1. Propozon shqyrtimin e pyetjeve nga fushëveprimi i punës të Këshillit Mbikëqyrës.
2. Shtron pyetje dhe kërkon sqarimin për çdo pikë të rendit të ditës në mbledhjen e Këshillit Mbikëqyrës
3. Paraqet propozime lidhur me vendimet, raportet, konkluzionet dhe aktet tjera nga fushëveprimi i punës së Këshillit Mbikëqyrës.

NENI 10

Këshilli Mbikëqyrës merr vendime dhe konkluzione, me shumicën e votave.

NENI 11

Këshilli Mbikëqyrës merr vendime kur vendosë për ndonjë nga pyetjet nga fushëveprimi i punës së Këshillit Mbikëqyrës.

Vendimi sipas rregullës duhet të ketë hyrjen, dispozitivin dhe arsyetimin.

NENI 12

Mbledhjet e Këshillit Mbikëqyrës i konvokon Kryetari i Këshillit Mbikëqyrës, por mbledhjet e Këshillit mund t'i konvokoj edhe Kryetari i FBK, së paku një e treta 1/3 të anëtarëve të Bordit dhe dy (2) anëtarë të Këshillit Mbikëqyrës.

Rendin e ditës e përcakton konvokuesi i mbledhjes.

NENI 13

Në mbledhje të këshillit Mbikëqyrës mbahet procesverbali, i cili duhet të pasqyrojë rrjedhën e mbledhjes dhe vendimet / konkluzionet e aprovuara.

Procesverbalin duhet ta nënshkruajnë, Kryetari dhe Anëtarët e Këshillit Mbikëqyrës, prezentë.

NENI 14

Kjo Rregullore hynë në fuqi ditën e miratimit.

Kryetari i FBK-së

Erold Belegu